

STATUT I SHOQËRISË “ARMAT CONSTRUCTION” SH.P.K.

Ky statut do të konsiderohet se inkorporon dhe/ose përfshin Statutin e Themelimit të Shoqërisë, organizimi dhe funksionimi i të cilës rregullohet këtu.

Kompania dhe ortakët nuk mund të bëjnë investime në para, në natyrë apo në mënyra të tjera pa miratimin, pëlqimin dhe prezencën e ortakëve themelues të Shoqërisë.

KAPITULLI I. THEMELIMI, EMRI DHE THEMELUESIT

Neni 1

Themelimi, Forma dhe Ortakët

Sot me datë 09.05.2024, une themeluesi Astrit Sallaku, kam krijuar një shoqëri me përgjegjësi të kufizuar me emrin “ARMAT CONSTRUCTION” SH.P.K.

Themeluesit e shoqërisë janë:

- **Astrit Sallaku**, shtetas shqiptar, lindur në Radë, Durrës më 01.10.1975, mbajtës i kartës së identitetit nr. H51001102S.

Në përputhje me Ligjin Nr.9901, datë 14.04.2008, “Për Tregtarët dhe Shoqëritë tregtare” dhe me legjislacionin e zbatueshëm në Republikën e Shqipërisë, miratoi këtë Statut si vijon:

Në këtë Statut:

- “Ligji” është Ligji 9901/2008 “Për Tregtarët dhe Shoqëritë tregtare”, i ndryshuar;
- “Statuti” është ky Statuti i Shoqërisë.



Neni 2

Objekti

Shoqëria do të kryejë aktivitetin e mëposhtëm:

Kryerja e punimeve të ndryshme, hidrocentrale, ndertime civile dhe ushtarake sipas legjislacionit në fuqi . Ndertim rrugësh, ujësjellesi, ujëra të zeza dhe ndertime të ndryshme. Prodhim, përpunim dhe eksportimi i llojeve të ndryshme të materialve të ndertimit .

Importimi , përpunimi dhe tregtimi i materialeve të ndryshme dhe mineraleve të të gjitha llojeve . Prodhimin dhe tregtimin e produkteve, me baze industriale, për të gjithë sektorët e ekonomisë. Prodhimin dhe tregtimin e produkteve, me baze materiale të ndryshme, për të gjithë sektorët e ekonomisë. Ndertime Industrial-Civile-Turistike dhe sipërmarrje për ndertime të konstruksioneve dhe veprave publike të të gjitha kategorive.

Marrja pjesë në tendera dhe ankande si dhe kryerja e shërbimeve që kanë lidhje me objektin e veprimtarisë së saj. Blerje pasuri të luajtshme dhe të paluajtshme, të marre ose të leshojë me qira, të marre tendera. Tregtim i materialeve të ndryshme me shumicë dhe pakicë në format të parashikuara dhe të lejuara nga legjislacioni shqiptar.

Tregtim i mallrave të ndryshëm me shumicë dhe pakicë, industriale, të ndertimit, ushqimore e të tjera, eksportin dhe importin e tyre në përputhje me ligjin dhe me formën e shoqërisë, tregtim të prodhimeve të ndryshme ushqimore ose jo , me shumicë dhe pakicë eksportin dhe importin e tyre. Shoqëria mund të kryejë në përmbushje të qëllimeve të saj çdo lloj operacioni tregtar, mund të vendosë pasuri të luajtshme dhe të paluajtshme, dhe të hipotekojë këto në emrin e saj.

Tregtim, importim dhe eksportim të lendeve ambalazhuese dhe prodhimeve të tyre si dhe industrinë e tyre me shumicë dhe pakicë. Kontraktim, marrja apo dhënie në lidhje me fushën e veprimtarisë së saj të çdo lloji kreditimi me afat të shkurtër të mesëm apo të gjatë në tregjet e brendshme apo të jashtme, të mundësuar kredi mallrash, pengjesh, importimi dhe eksportimi. Të përfitojë, transferojë, të marre me qira, të blejë dhe të shesë, si dhe të kontraktojë të drejtën e markës , patentës, licenses dhe të drejta të tjera që janë të ngjashme me këto.



Tregetim me shumice e pakice, prodhimin, import dhe eksport i te gjitha llojeve te mallrave te lejuara nga Ligji, brenda dhe jashte vendit, per llogari te vete shoqerise si dhe te te treteve. Ndermjetesim tregtar per produktet e naftes dhe metalesh te çmuara e ar. Import -export metalesh te çmuara dhe ar.

Neni 3

Objekti i Shoqërisë.

Shoqëria mund të kryejë çdo aktivitet tjetër të nevojshëm apo të dobishëm për realizimin e qëllimeve të Shoqërisë.

Neni 4

Selia

4.1 Selia e Shoqërisë është Tirane, Tirane Rruga Petro Korçari, Nd.32,H.8, Ap.20, Njesia administrative Nr.5, 1022.

4.2 Transferimi i Shoqërisë në një vend tjetër bëhet me vendim të Asamblesë , së Përgjithshme te Ortakëve.

4.3 Asambleja e Përgjithshme e Ortakëve mund të vendosë hapjen e filialeve, degëve dhe përfaqësive të Shoqërisë në qytete të tjera të Shqipërisë si dhe jashtë saj.

Neni 5

Kohëzgjatja e veprimtarisë.

5.1 Kohëzgjatja e veprimtarisë së Shoqërisë do të jetë për një periudhë të pakufizuar.

5.2 Shoqëria mund të priset në çdo kohë me vendim të Asamblesë së Përgjithshme të Ortakëve.

KAPITULLI II

KAPITALI THEMELTAR, KONTRIBUTET, NDARJA E KUOTAVE TË KAPITALIT

Neni 6.

Kapitali themeltar.



6.1 Kapitali themeltar i Shoqërisë është 100.000 (njëqind mije) lekë.

6.2 Pjesëmarrja e themeluesve ne kapitalin e shoqërise eshte ne perputhje me kotributet e tyre te meposhtme:

1. Ortaku themelues është **Astrit Sallaku**: Zotëruese i 1 (një) kuote me vlerë të përgjithshme 100.000 (njëqind mije) Leke që përben 100% të kapitalit themeltar të shoqërisë.

Neni 7

Derdhja Kapitalit

Derdhja e kapitalit do të kryhet pas rregjistrimit te Shoqërisë në rregjistrin tregtar, gjate fazës së zhvillimit te aktivitetit të Shoqërisë.

Neni 8

Rritja e kapitalit themeltar.

8.1 Kapitali themeltar mund të rritet pa kufi në çdo moment, një ose disa herë me vendim të Asamblesë së Përgjithshme të Ortakëve që përfaqësojnë % e kapitalit të shoqërisë.

8.2 Në rast rritjeje të kapitalit, kuotat e ortakëve të shoqërisë do të rriten sipas shumave të përcaktuara në vendimin e asamblesë së përgjithshme të ortakëve.

Neni 9- Zvogëlimi i kapitalit themeltar.

9.1 Shoqëria mund të zvogeloje kapitalin themeltar me vendimin e Asamblesë së Jashtëzakonshme të Ortakëve. Në çdo rast kapitali themeltar nuk mund të zvogëlohet nën kufijtë e parashikuara nga ligji.

9.2 Zvogëlimi i kapitalit përballohet nga secili prej ortakëve sipas shumave të përcaktuara në vendimin e asamblesë.

Neni 10- Transferimi i kuotave të kapitalit dhe e drejta e parablerjes.

10.1. Kuotat e kapitalit janë lirisht të transferueshme ndërmjet ortakëve sipas nenit 73 të ligjit 9901, date 14.04.2008 "Për Tregtarët dhe Shoqëritë Tregtare".

10.2 Në rast transferimi të kuotave të kapitalit në çdo lloj forme personave të tretë, si me shpërblim ashtu edhe pa shpërblim, me çdo kusht, duke përfshirë edhe dhurimin e kuotave, ortakët e tjerë gëzojnë të drejtën e parablerjes mbi këto kuota kapitali.

KAPITULLI III

ASAMBLEJA, ADMINISTRATORËT DHE EKSPERTI KONTABËL.

Neni 11

Asambleja e ortakëve.

11.1 Organi vendimmarrës i Shoqërisë është Asambleja e Pergjithshme e Ortakëve.

11.2 Çdo ortak ka të drejtë të marrë pjesë Asamble, të paraqesë mendimin e tij dhe të japë aq vota sa është numri i pjesëve të kapitalit që zotëron.

11.3 Çdo ortak ka të drejtë të përfaqësohet nga një person tjetër ortak, i pajisur me procurë me shkrim, me anë të së cilës mund të japë votën e tij.

11.4 Ortaku nuk mund të lëshojë procurë për votim për një pjesë të kapitalit që zotëron, nëqoftë se voton personalisht për pjesën e mbetur.

11.5 Asambleja mund të thirret në çdo moment nga një prej Administratorëve ose nga një ose disa ortakëve që përfaqësojnë të paktën 5%(pesë përqind) të kapitalit themeltar. Në çdo rast, Asambleja thirret të paktën një herë në vit, jo më vonë se fundi i muajit të Qershorit për të diskutuar, vlerësuar dhe miratuar bilancin e vitit të fundit financiar.

11.6 Asambleja duhet të thirret nëpërmjet njoftimit me letër rekomande me kthim përgjigje që duhet t'u dërgohet ortakëve të paktën 7(shtatë) ditë përpara mbledhjes së Asamblesë. Thirrja duhet të mbaj informacion mbi llojin e Asamblesë, mbi çështjet që do të trajtohen dhe për të cilat duhet të merret vendimi mbi vendin, orën dhe datën e thirrjes së parë dhe të dytë.

11.7 Asambleja do të quhet rregullisht e mbledhur edhe nëse formalitetet e thirrjes nuk respektohen, nëse ortakët që përfaqësojnë kapitalin e plotë janë të pranishëm apo të përfaqësuar dhe janë dakord të mbajnë mbledhjen edhe formalitetet e lartpërmendura nuk janë respektuar.

11.8 Çdo Asamble drejtohet nga Kryetari i emëruar ndërmjet ortakëve ose personave të tretë. Për pasqyrimin e vendimit Asambleja emëron një Sekretar, që mund të jetë edhe jo ortak, nëse prania e noterit nuk është e nevojshme.

11.9 Asambleja mund të thirret edhe jashtë selisë së Shoqërisë, në Shqipëri apo jashtë saj. Mbledhjet e Asamblesë mund të mbahen edhe nëpërmjet telekonferencës dhe video konferencës, me kusht që të gjithë pjesëmarrësit të mund të identifikohen dhe ti lejohet atyre të ndjekin diskutimin dhe të ndërhyjnë në momentin e trajtimit të argumenteve; pasi të jenë verifikuar këto

kërkesa që duhet të rezultojnë në procesverbalin e mbledhjes, Asambleja konsiderohet e mbajtur në vendin ku ndodhet Kryetari në të cilin duhet të ndodhet edhe Sekretari i mbledhjes.

Neni 12

Kuorumi dhe kompetencat e Asamblesë.

12.1 Vendimet e Asamblesë së Përgjithshme, të cilat merren me shumicë të zakonshme, janë të vlefshme nëse janë të pranishëm ortake me të drejtë vote që përfaqësojnë me shumë e 51% të kapitalit. Në rast mungese të këtij kuorumi në mbledhjen e parë, Asambleja thirret në mbledhjen e dytë me të njejtin rend dite jo më vonë se 7 (shtatë) ditë pas mbledhjes së parë.

Asambleja e Zakonshme merr vendime me shumicën e thjeshtë të ortakëve të pranishëm të përfaqësuar.

12.2 Vendimet e Asamblesë Përgjithshme, të cilat merren me shumicë të kualifikuar, janë të vlefshme nëse janë të pranishëm ortakët me të drejtë vote që përfaqësojnë me shumë se 71% të kapitalit. Në rast mungese të këtij kuorumi në mbledhjen e parë Asambleja thirret në mbledhjen e dytë me të njëtin rend dite jo më vonë se 7 (shtatë) ditë pas mbledhjes së parë. Asambleja e Jashtëzakonshme merr vendime me shumicën e kualifikuar % të ortakëve të pranishëm apo të përfaqësuar.


12.3 Asambleja e Përgjithshme merr vendime me shumicë të kualifikuar % të ortakëve të pranishëm për ndryshimet e statutit, rritjen apo zvogëlimin e kapitalit të shoqërisë, shpërndarjen e fitimeve, riorganizimin dhe shkrirjen e shoqërisë dhe të gjitha rastet e tjera të parashikuara me ligj nga ky statut.

Neni 13- Administrimi.

13.1 Shoqëria administrohet nga 1 (një) administrator i cili qëndron në detyrë deri në revokimin apo dorëheqjen, për një periudhë prej 5 (pesë) vjet me të drejtë rizgjedhjeje nga Asambleja për të njëjtën periudhë.

13.2 Administratori/ët mund të ndërmarrin të gjitha veprimet e administrimit të zakonshëm dhe të jashtëzakonshëm të shoqërisë, me përjashtim të atyre që ju rezervohen organeve të tjera të shoqërisë nga ky statut apo ligji i zbatueshëm.

13.3 Përfaqësimi ligjor i Shoqërisë i përket Administratorit/ve të cilët janë:



Z.Astrit Sallaku, shtetas shqiptar, lindur më 01.10.1975 e me banim në Vorë, Shqipëri, madhor dhe me zotesi për të vepruar, me ID nr. J25522058P.

13.4 Admmistratori/ët mund të emërojë/në përfaqësues të posaçëm për akte të veçanta ose për kategori aktesh.

Neni 14-Eksperti kontabël i autorizuar.

14.1 Në rast se përcaktohet nga ligji apo kërkohet nga Asambleja e Përgjithshme e Ortakëve, kontrolli i bilanceve dhe librave kontabël të Shoqërisë mund t'i besohet një eksperti kontabël të autorizuar.

14.2 Eksperti kontabël i autorizuar do të emërohet për 1(një) vit ushtrimor financiar dhe do të mbarojë mandatin e tij në datën e asamblesë së mbledhur për miratimin e bilancit të vitit të kaluar ushtrimor, me të drejtë rizgjedhje.

14.3 Eksperti kontabël i miratuar mund të revokohet sipas normave të legjislacionit në fuqi.

KAPITULLI IV

VITI FINANCIAR ,BILANCI VJETOR, SHPËRNDARJA E FITIMEVE

Neni 15

Viti financiar dhe bilanci vjetor.

15.1 Viti financiar fillon me 1 janar dhe mbaron me 31 dhjetor të secilit vit.

15.2 Viti i parë ushtrimor fillon në datën e regjistrimit të shoqërisë pranë Oëndrës Kombëtare të Regjistrimit dhe përfundon në 31 dhjetor të atij viti.

15.3 Bilanci vjetor, inventari, relacioni i Administratorit/ve dhe eventualisht i ekspertit kontabël (nëse është emëruar) do të miratohen nga Asambleja sipas shumicës së përcaktuar në ligjin 9901, datë 14.04.2008 "Për Tregtarët dhe Shoqëritë Tregtare".

15.4 Miratimi i dokumenteve që kanë të bëjnë me vitin ushtrimor do të bëhet brenda 6 muajve nga data e mbarimit të vitit ushtrimor.

Neni 16

Fitimet.

16.1 Fitimet që rezultojnë nga bilanci duke zbritur 5%(pesëpërqind)për rezerva ligjore deri në arritjen 10%(dhjetë përqind] të kapitalit si dhe shumat



e tjera që mund të lenë mënjanë Asambleja me vendim, u shpërndahen ortakëve në proporcion me pjesët e kapitalit themeltar të zotëruara.

16.2 Asambleja mund të vendosë edhe zbritje të veçanta në favor të rezervave të jashtëzakonshme ose për qëllime të tjera apo edhe shtyrjen e shpërndarjes së Fitimeve, plotësisht ose pjesërisht, për vitet e tjera financiare.

KAPITULLI V

SHPËRNDARJA DHE LIKUJDIMI SHOQËRISË

Neni 17

Prishja.

17.1 Shoqëria priset me përfundimin e afatit të parashikuar nga Statuti, ose përpara përfundimit në rastet e paparashikuara nga ligji, ose me anë të një vendimi të Asamblesë së Përgjithshme të Ortakëve, me shumicën e kërkuar për ndryshimet në statut.

17.2 Shoqëria nuk priset në rast të humbjes së zotësisë për të vepruar, pazotësisë juridike, vdekjes ose falimentimit të ortakëve.

Neni 18

Likuidimi.

18.1 Në rast prishjeje, Shoqëria duhet të likuidohet.

18.2 Për të administruar këtë procedurë, Asambleja emëron një ose me shumë likuidatorë, të cilët paraqesin raportet përfundimtare mbi gjëndjen e aktivitetit dhe pasivitetit të bilancit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.

18.3 Me përfundimin e procedurës së likuidimit Asambleja do të vendosë mbi bilancin financiar përfundimtar, mbi punën e kryer nga likuiduesi dhe mbi përfundimin e procesit të likuidimit.

18.4 Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit të ortakëve, në proporcion me kuotat e kapitalit të zotëruara prej tyre në kapitalin themeltar.



Neni 19

Zgjidhja e mosmarrëveshjeve.

19.1 Të gjitha mosmarrëveshjet midis palëve që mund të lindin ose lidhen me interpretimin dhe/ose zbatimin e këtij Statuti dhe Akti të Themellimit si dhe në përgjithësi çdo mosmarrëveshje që mund të lind mes ortakëve (përveç mosmarrëveshjeve që kanë të bëjnë me raporte personale dhe nuk lidhen me shoqërinë), ose midis disa ortakëve me shoqërinë do të zgjidhen me mirëkuptim midis palëve me diskutim të drejtpërdrejtë të të interesuarve

19.2 Nëse nuk arrihet që një mosmarrëveshje të zgjidhet me mirëkuptim, Gjykata e Rrethit Gjyqësor Tiranë do të jetë kompetente për zgjidhjen e mosmarrëveshjeve.

Neni 20- Gjuha

20.1 Ky Statut nënshkruhet në 2(dy) kopje në gjuhën shqipe.

**ORTAKËT
E SHOQËRISË ME PËRGËGJESI TËKUFIZUAR
"ARMAT CONSTRUCTION" SH.P.K.**

Astrit Sallaku

Astrit Sallaku

